

*Poesia in dialetto*  
*"SGUNDEN"*

*La sagra ad San Snéz*

Intant che Sasgond al preparava la campionèra,  
a San Snéz as festegiava la sagra.

L'era 'na sagra ch'la gnéva da luntàn  
in 'na Césa costruida in stil rumàn;

Césa Plebana al centar d'la pianüra  
cm'al clero e tanta genta con la so cultüra.

I festegiaven San Snéz patróno di ragàs,  
con mésa, bandisiòn e procesiòn in di paràg',

un incontrar ad mami con i so putén,  
ad nòni con ragàs e ragasén .

Da tött al parti la genta la rivava,  
in bicicléta, a pé con in spala i putén chi cridaven.

C'mal 501 al taxi ad Gabi al fava la spöla  
Sasgond-San Snéz con ansiàn e ragàs da scöla;

dal stal ad Stringhén arivava la diligenza  
con un tir da dü cavai e Buziòn con la patentà;

in dal stradón a gh'era i banch con duls e bilén,  
'na festa e 'na gioia pr'i ragasén.

A gh'era poch sold in di bursén,  
al puténi 'na bambuléna, ai ragàs un cavalén.

A gh'era al vec' Betati cm'al carét di gelati,  
pana, ciculada in matunèli e con preparati,

a gh'era i prudot a d'la campagna,  
angürri, mlón, pér ingürrién in d'la cavagna,

al banch con la pulenta fréta zucherada,  
féti 'd pan cm'al gras con la pistada.

"Tacete", a ven föra San Snéz in procesiòn  
dop che la genta ian fat la comuniòn,

in fila, grand e picén i fan al gir dal stradón,  
i riturnan tött in Césa par la bandisiòn;

cm'i rintoeh a d'la campana  
a fnésa la bèla festa plebana.



*Remo Allegri*